

湘綺樓日記

湘綺樓日記

光緒三年丁丑

三年正月壬寅丁巳朔陰晨起家人盡起

闕

二日闕香孫春陔處得入於春陔處遇子和力臣爲王撫所擲掄而強顏云不妨此君殆不能爲英雄也香孫望其改轍爲名士尤難矣香孫處遇李佐周還尙早霞軒來未遇將往答訪昇夫未食遂止

三日晴以國忌不出稍理去年帳目與家嬖打天九攤錢登樓看火夜至丑乃寢

四日晴大霜卯正起出訪霞軒辭以剃頭至錫九處亦未起乃還朝食命功兒蓮弟及兩工往

祖墓培蘿土草黃次雲力臣來

五日晴松生佐卿霞軒來談至午乃去昇出未數步松佐前步下行至三

丰口別而登舁訪任雨田至海翁處陪霞軒飲竹師立之周嘯仙劉岵樵施進士先在設食不甚旨看麓臺畫亦甚不佳申散妻婦子女均出假寐至夕弟妹闕攤錢雞鳴乃罷

六日晴作詩闕飲往則太早久之王潤生張正卿任雨田父乃闕妻婦送客畢婦還其母家

七日晴昨夜作贈王詩二句未成早起足成之遣約霞軒來談過午果與向子振來久談羅子沅錫九來

八日晴璫盼始理書遣僕拚除後苑午出送霞行復未遇至黼堂處唁其失妻仲雲衣冠出坐久之凌善人來泛談未還六雲猶不起功兒復病

闕

九日闕全大令來辭未見薄暮立門口雨田來告去余以功兒在家驕逸欲令出作客託之於力田約以節後往繆緹以爲不可余不能聽也夜

過香孫處久談步月還

十日晴煊作書與懷庭兼問訊唐藝農又爲陳妹寄甘肅書劄剛鏡初張
沅生來至暮乃去秉燭登樓改鈔曲禮一葉今日女客來者四輩唯出
見黃二嫂

十一日陰涼晨起黃伯初來出答訪劄剛鏡初遇松佐凌黃左郎余弁無
多語昇還步出過陳母少坐再至洪井遇力臣聶郎赴易郎招至馬王
祠杏生池生在坐酒饌未具復赴師竹生招步至王隄仲雲兄弟任雨
田先在登樓設飲半席雨至昇還馬王祠熊韻臚僧紫雲松生皆先在
坐酒亦將闌矣食皆不知味家中昇夫來迎二礮散還值大風籠燈被
吹滅幸已及貢院後乘朦月歸今日登樓寫字半

闕

十二日闕均集余宅設食極歡終飲不覺飽更飯一盂亥初客盡去青石

橋失火登樓看煙燄甚遠乃眠

十三日朝雪食時晴羅郎伯存來出答訪黃明府子冶王湘鄉陳總兵皆不遇還易桃生來黼堂來恩恩去凌善人來登樓鈔經半葉

十四日晴改功兒孟子文一篇看街夜打牌

十五日陰晨祀

二祀昇出詣樾岑子蓮凌善人赴竹師招張玉森大令先在廣西某知縣尋至談官事頃之去海翁力臣來莊心安不至未食申初散步還著方韓行甚遲又雨顧紅轎還將暮矣小睡未飯夕起謁

三廟三弟母兄陳氏妹母子均來喫湯圓八枚復睡比醒已子初矣月食未見還寢甚熱乃獨眠

十六日雨樾岑來姚立雲來謝未

十七日晴昇夫在嶂臣寓房因入談嶂臣似將愈彌之疑余有參差不敢

來將請嶂臣居間何其不能相知如此因要同還登樓月出乃去入春

以來唯今日事較多亦頽廢甚矣

十八日陰文心前來言朱學使思復校經堂暇擬條款四紙彭郎來云笛仙索篆書余云命非女作之笛仙書來責其背殯良友不忘箴規如此理安來留哺食畢余出訪彌之不遇還得廣督劉峴莊書送銀五十兩正欲借錢適濟所需也夜登樓鈔禮記一篇講樂記五葉

十九日雨連州成從九力臣來錫九暮來云學使觀風出賦題甚纖莊心安來言廷寄復議江防亦及校經堂事夜鈔記一葉講樂記五葉易郎來交銀票請爲居間

廿日晴黃郎陳郎來佐松請打詩牌午往戌還得詩三首疲

闕

廿一日 鄒松谷來致程生書取壽屏計日已迫始將作之玉振錢店朱翁來見備言二曾之盤剝威逼之狀出視合同則錢店本曾氏所開而責朱氏蕩產以償吁可畏也暮過任姚俱不遇至眼光祠尋汪鐵筆見

所刻賈祠記甚佳登小樓亦可坐其所作卷棚工甚省亦可仿也至彌之處少坐步還

廿二日晴煊晚尤蒸熱林小霞來十年不見矣余初相之似夏憇庭以爲必至藩臬今尙不過五品耳其子於二弟處受學又可笑也聞兩徐甥段生來云欲於近處讀書易郎來看作壽序改豐兒賦三弟楷字極進內心則茅塞之矣鏡初來同步至護國坊昇入糧署會飲沈潤生心安趙環慶張星伯繼至看並蒂蘭玄芝亥寢

廿三日陰涼黃郎及朱翁朱生來朝食時乃去下樓遇三甥瞿郎子瑞來還銀坐久之子筠來登

闕

廿四日闕屬其鈔六十序文云散文已爲蟲食無稿矣李幼梅張郎鴻來

作鄧八嫂挽聯

三十年事同兄嫂轉因姻嗣至差池愧誠女無書承歡難俟空悲朝露寒泉更何堪束縵人來羹湯棄養七

二洞望斷雲山豈是神仙好離別但成家有願在富彌之夫人久留省如貧長伴雞聲燈影誰省識嚴冬病裏荊布仍寒

城其實戀其資也揚善稱美故辭如此然其死後余入其庭位置潔靜實亦不愧此言郭志城來送十二傷心詞浮煙漲墨殊不足觀覽

廿五日雨朱若霖彌之瞿郎黃生彭郎竹師來彭子和招飲芝生任宇田羅生陳郎彭子同坐夕散至洪井鏡初已回鄉去還至又一村舁夫與郭志城爭道因入郭宅略談夜講樂記

廿六日雨張冶秋來樓上風雨不可坐移研入內殊無所事午間南瓜和尚設齋步往芝生松佐吳孫香孫均先在打詩牌得詩二首二更還

廿七日雨雪朱增生曾訟師周黃

關曾氏欺陵

廿八日雨雨田來午過力臣飲其外姑病甚將絕矣余以爲當以此席爲始死之奠衆客助喪焉不能從也坐客海琴心盦雨田黼堂香孫魯瞻志城將設粥香孫志城云病者已絕可散矣乃倉皇去力臣運氣甚低故請客亦不順如此還講樂記

廿九日陰陳生來余詰其意云欲謀館其意甚夢夢余云久寓絕糧仍我之責不若徑來居此之妙也因及衡人頗急於謀食亦一蔽也鈔經半葉閱叔勸遺書殊無可傳夜改唐墓志得春甫書催壽序

晦日陰晴改兩兒及三弟文作騶書序鈔記數行改兩兒詩未畢霖生來二月丁亥朔陰唐藝渠行狀久未作始爲編次成四葉欲鈔記將食而罷夜講樂記舜歌南風夔賞諸侯則舜未帝時作南風之詩尸子云解慍

阜財云云者蓋後人見王肅僞家

闕

二日陰

闕

往彌之處陪弔李价生劉湘士黃徵齋龍芝生繼至胡少卿先

在瞿子瑞後來其餘弔客不可悉記唯朱若霖以孫病急歸令人錯愕耳申刻以子蓮催客早散黃瞿獨留子蓮處香孫志城先在許心□府經歷後至談洪寇之事起於一女以土客相鬪聚衆也許居距金田村三里云得其實戊正還竹師送壽屏來作書與春甫子泌程郎

三日晴晨起卽飯出過竹師未起至鄧宅劉郎已先在矣陪客十許人至暮猶有來者彌之示所作哀辭亦頗真至胡少卿陳玉山論觀風題玉山頗喜言算學云圓錐數書未見

四日陰晴始更夾衣朝食後至彌之宅送葬過春陔處少坐步由雞公坡出南門因率弟子上

墓還省陳母子壽任郎笠雲僧兩徐甥黃生來笠僧要過松生打

闕攜三

女恆子游浩園看新柳遇黃倩吾與易桃生

闕

五日晴以連日

闕得子久書

六日壬辰春分章伯和及松生笠僧來作唐行述四葉鈔記一葉春氣甚煊家人盡出偶與縹緲坐後堂感其衰疾方生不蘇爲之惘然夜煊詣海老談今年始相見

七日晨涼陰出答訪霖生竹師歸兩兒書不熟答之作唐行述四葉說雲

從龍風從虎以屯大過似頗有得

八日雨大風寒鈔記一葉作唐行述錫九來夜談說魯瑩而弔爲君母之喪及考筵席之制及子張絲屨組纓均有新義已載入禮記箋矣

九日雨看賈子盧校本甚謬彭子和招陪夏臬臺未午催客及往任編修張蘭槎先在徐芸丈繼至臬臺不來遣其子代焉陳魯瞻先言夏多疑忌殆有所見西散攜盼女往遊同昇重不能舉此兒復已長矣

十日晴子筠來作唐行述二葉十六記已將畢矣藝渠在襄甚有迹良牧令也任過其量殊可惋惜外人督余課子甚急不知兩子之不可闕姑

徇俗令廢課一月作應小試之文其題爲陽虎曰微管仲唯口智獨功兒僅作一篇闕作而又言必應考殊不知其何意改試帖六十四句文五篇彌之劉馨翁來

十一日晨闕後陰晴朱宇田來言鹽務唯助叔曾集聽其將錢作何支用

今尙無著落也寫字二張樾岑任編修來夜鈔記一葉袁守愚懷欽來
十二日晴汪嘯霞來云眼光菩薩在周秦之時王君豫所言也余正欲訪
君豫同往問之裴回荷池軒門反鑠不勝今昔之感比還君豫來云并
無此說又言前考書院題云君子未有不如此甚難爲文余卽以之試
弟子夜雨雷作唐行述黃稚泉來

十三日陰晴出訪馨翁笛仙春陔懷嶽皆久談詣彌之未遇還鈔記一葉
改定堯二女之說爲誤以二倂爲英妃姊妹以三妃證三夫人以釐降
二女爲飭下二倂可謂奇而正也

十四日陰出弔黃笏堂作其父翰卿挽聯云

德文高世不知名正仁里結鄰處土星潛南極曜官學

傳家欣有子恨春暉同暮東風草沒舊堃青

昇往步還雨至登樓鈔記二葉彌之熊鏡生培

元力臣來遂盡一日改富弼使契丹論二篇文題爲桃應豐兒知引桃
氏甚有心思亥寢

十五日晨出送培元不遇過子明談遇曹識山翁言夏惕庭宜祀名宦余未有以應也還遣約培元飯不至約晴生來便酌文心適來留談成散

鈔記三葉

咸豐中憲和侍先侍講游湖外丈初學綴詞側聞庭誥言湘中宜吏能文學者有黃海華文北則若宇太守又廿年奉

檄自守以武岡太守致親寶慶以屬吏踰年見受代稟太守政亦暇以公詞翰留時省城請觀全集

後憲曰和子先爲局警點夕奉接以每志文受誨乃合多及緣憲和太守因示感愴又作文

詩且憲曰和子先爲局警點夕奉接以每志文受誨乃合多及緣憲和太守因示感愴又作文

心駭於浩博哉情太藻守循當清還復而不知所華騰既故其嘆曰幽夫文以道事湖外值宣

資格守平進之志不厭下書安靜其詞願恬外故其詞安而雅稍安時局才更自見

而獨守素志不厭下書安靜其詞願恬外故其詞安而雅稍安時局才更自見

守乃先輩流書隱不優復可唱觀後進小生亦將老節矣今觀其集雅壇坫之事太

大牛雲散星沈數年湖湘再從公之游變亦略以可推吏觀自憲隔和竊幸從先侍講時

後得聞正始之音也至其格律詞意頌而始者可因培元送段匹城門役竟

權其稅爲之皇悚遣查問已無可如何矣

十六日晴爲任編修與書廣督

竊尋碩論彌深惠欣書並賜銀五十傳頌威祗仁

互市買胡無復驕肆蓋由內政爲先理故覺游刃之有轉機益乎知張聞報
務卽不知治本安得入贊密勿爲國宣威俾當代識有餘機乎又聞皇
教管稅司使喜金如嗣音脂膏不潤平溥利微有疆子吏明公顏勤積累有早應
必待海凡之謳歌乃適欣喜闔運之衡陽充此隱山見天之災移家亦省城時已無
故宅買其山意難俟在卜宅戰功中雖在得三橡亂仍謀失田之舍軍由節近始鴻創
未施尤敦者內不妨告相示非欲聞計斬級禽渠巡之撫也僅能陽致百金此編外修
局雌網又非所樂分早明義南海十萬陸賈輕齎近則蠶幕贈古有無復例紀因
聞新政整飭品樂分早明義南海十萬陸賈輕齎近則蠶幕贈古有無復例紀因
其能修雍乾之故事耶專肅通憶敬達謝忱下
忌日素食倍子同一龔

生來黼堂來

十七日陰弟子均應書院甄別入場去作唐行述夕改卷文六篇三弟寫

口至子正待之還乃眠錫九夜來

十八日晴鈔記二葉 午要羅小雲熊鏡生黃次雲瞿郎便飯待黃甚久

戊散杏生要鬪詩牌步往口集詞一首還已下鑰矣是日口口二生去

十九日改課文二篇左生來鈔記一葉作唐行述午眠至酉乃起黃親家
十來

廿日陰笛仙來談理學蕭希魯來午步詣朱吉士遇小雲略談至文正祠
彌之笠僧方打詩牌余亦分一盤復與笛仙行浩園還入坐希魯香孫
同席戊過嶧臣視疾小雨舁還至黃宅作新親陪客周弁李兒黃氏二
兄弟及其族人禹臣也戊散齋宿

廿一日陰丁未子夜清明節祠祭

三廟午簋後舁出送芝生便賀竹師取新婦以太晚未去便詣任雨田還
兒女點豆宿西室夕登樓看雨招次青彌之黼堂佐卿笠雲來賞春鬪
詩牌客至已暮設餽餅至亥散

廿二日雨昨黼堂言其兄生辰往賀不得入詣樾岑以清明家祭插柳不
見客至竹師處見新婦過子壽久談至次青處不遇看新柳春雨還登

樓作唐行狀夜取千文選韻攜三女同選至亥出喚家人皆睡去矣

廿三日陰晴鈔記二葉改課文二篇若林來登樓密談陳郎放紙鳶因與
兒女試放之引線亦頗有遠趣關過力臣飯黃海翁息叟樾岑彌之香

孫□□

廿四日晴陰謝客課徒作唐行述□□放紙鳶若林求作江方漢學論命
豐兒作之竟不交卷

廿五日晴卯起待昇夫未至晨飯後出小吳門十里東南渡渡瀏水又行
十里潭泉險折回小路訪解家屋尋陳杏生宅至門見數人將出則松
池六三生夏琴南易桃生孫海槎子雲僧及不相識三四人皆在杏生
四十昨日已過生日余偶忘之也朱宇恬亦於昨日生日則始知之杏
生子懋伯出見打詩牌至夕乃食初意卽日還已不能行至橘園看屋
屋不可居雜花尙多亦不足珍夜雨杏生復設食談至丑

廿六日雨甚密已待諸客同行久不成裝乃先發竟無雨未正入城得胡七丈詩函及何慶治赴聞子敬嘉興之子也余曾承十金臘肉之惠故以見及申過香孫飲海琴彌之力臣錫九同坐海琴先去諸客戍散

廿七日陰三日未理事朝食後登樓看課文五篇倍兩女溫書鈔記一葉午赴笛仙飲陪彌之果臣香孫錫九同坐未集戍散

廿八日雨陰將出送彌之聞其當來待之鈔記三葉文心來催客舁往攜我女同舁至門乃遣之還坐談頃之力臣黃西垣香孫繼至彌之至晚乃來西垣云郭湘屏有一女甚端慧屬爲媒湘屏之名不聞十餘年其面不見廿年矣戍散

廿九日雨陰鈔記二葉課讀半日淦郎不告行玉生表兄率妻女來相依口子亦從江寧回云欠船戶錢口千一百欲取於我余子振又來告貸其窘不可言搜家中僅二千四百錢又可笑也彌之來告別恐暮促之